

鐵

琴

銅

劍

樓

書

目

七冊

8440
86553
57

子部

鐵琴銅劍樓藏書目錄卷第十三

常款



子部一

儒家類

孔氏家語十卷

影鈔
宋本

題王肅注有後序汲古毛氏刻此書得一宋本闕卷
首至卷二凡十六葉因參用通行本故注字脫落顛
倒最多此本完善無譌足以訂正甚多每半葉九行
行十七字注用雙行行廿三至廿五字不等相傳有

毛斧季校本數之一一脗合

孔子家語十卷校宋本

此陳氏子準傳錄毛斧季氏校宋本朱筆從北宋墨筆從南宋案子晉跋謂丁卯秋得北宋刻本其卷二第十六葉以前已蠹蝕繼於己卯春復得一本闕末二卷合之始全今校改注字脫落顛倒者自卷首至卷二十六葉以前為多蓋初得宋本即刻其闕者仍參通行本追續得全本不及追改矣卷首有稽瑞樓朱記

纂圖互註荀子二十卷元刊本

唐楊倞註并序此書出宋時書肆所刻元人繙雕者抱經盧氏曰雖有脫譌差舛而未經校改其本真猶未盡失澗菴顧氏曰明世德堂本即所自出惟刪其重意而刪之未盡者猶存二條於修身王制篇中卷首

有仲魚朱

荀子二十卷校宋本

此元和惠徵君校宋本原出葉林宗氏以景定本校過徵君又加校之澗菴顧氏依之傳錄凡改正七百七十字卷中有樹玉案一條當是匪石山人題識盧

氏校刻本每自用已意舉以相核不盡同也卷首有顧澗蒼

藏書朱記

荀子二十卷

校宋本

此抱經盧氏校本也案抱經校是書凡用數本其一為影鈔大字宋本卷末補錄劉向校錄奏一篇并記後有兩行一題將仕郎守秘書省著作佐郎充御史臺主簿臣王子韶同校一題朝奉郎尚書兵部員外郎知制誥上騎都尉賜紫金魚袋臣呂夏卿重校知其本在宋英宗時奉敕定者也其一為元刻纂圖互

注本其一為世德堂原本及鍾人傑本丹黃爛然善

本畧備矣

每卷有文昭讀過丹村子金華張氏翠薇山房諸朱記

荀子考異一卷

鈔本

宋淳熙間邑人錢氏佃刻荀子即用各本參校復有所疑因著考異附卷末自為之跋今淳熙本不獲見惟傳此卷其跋云右荀卿子書楊倞注凡三十二篇為十二卷并劉向篇目舊嘗患此書無善本求之國子監亦未嘗版行比集諸家所藏得二浙西蜀本凡四增寡同異莫適取正末乃於廬陵學宮藏書中得

元豐國子監刻者遂取以為據然猶有謬誤用諸本
參校凡是正一百五十有四字其有疑而未決者并
世俗所習熟而未定如青出於藍而青於藍者監本
所出而文義或非又如莫善於樂而作美善相樂皆
不敢沒其實著之卷末又一百二十有六條雖未敢
以為盡善然耳目所及此已特為精好謹刻之江西
計臺俾學者得以攷訂而誦習焉淳熙八年六月丙
午吳郡錢佃謹識案佃字仲耕政和進士觀復之子
登紹興十五年進士官至中奉大夫祕閣修撰著有

易解十卷詞科類要二十卷文集二十卷見常熟縣志

孔叢子七卷

明刊本

漢孔鮒撰此明人翻梓宋時巾箱本題宋咸註程以
進閱前有咸上表及序二篇寫刻甚精

新語二卷

明刊本

題漢太中大夫陸賈撰後附賈本傳一篇書中闕文
注明闕幾字比明刻小字本較別本為勝

新語二卷

明刊本

題漢中大夫陸賈撰此弘治間李仲陽得舊本刻於

桐鄉者寫槧甚精而殘缺已多知是書久無善本矣
有錢福序都穆跋

新書十卷

明刊本

漢賈誼撰宋淳熙辛丑程曹使某攝潭州守刻置學
宮明時其板殘缺弘治間陸相為長沙太守嘗以黃
都諫寶藏本修補印行此則吉府重刻本悉依宋刻

卷中有吉府
圖籍朱記

鹽鐵論十卷

明刊本

漢桓寬撰弘治間新塗涂禎刻於江陰是本從宋嘉

泰本翻雕故匡桓等字俱減筆雲間張氏注本改為
十二卷竄亂舊第字句亦多踳駁今陽城張氏重刻
本悉依涂氏之舊

鹽鐵論十卷

舊鈔本

此從錫山華氏活字本傳錄顧澗賞氏以大元書室
本櫻室齋舊鈔本校過未有澗翁題記云讀此書貴
能得其用如予者徒索解於字句間何足道也癸亥
八月重閱一過記又云嘉慶丁卯五月為居亭主人
張古餘先生校刻宏治十四年涂宗本再讀此案是

本當即陽城張氏撰考證之底稟也卷首有顧澗
藹手校朱記

劉向新序十卷明刊本

此嘉靖間依舊本重刊字畫清朗大似宋刻與別本不同者注明一本作某字前有曾鞏進書序目錄接

序文後猶宋刻舊式也卷首有皇明學士宋氏
圖書耐辱居士二朱記

新序十卷校宋本

題陽朔元年二月癸卯護左都水使者光祿大夫臣

劉向上序文後接目錄以每卷為次目錄上空二字

卷第一上空三字雜事上空四字每半葉十一行行

二十字間有小注明刻所無如卷十善謀篇守戰南

陽守齟保宛城下注云史作與南陽守齟戰犍東坡

之南陽守齟走保城守宛又休牛於桃林下注云史

作放牛桃林之陰示天下不復輸積又雍齒與我有

故下注云漢書音義曰未起時有故怨又深入伐國

墮城下注云漢史作以飽待飢正治以待其亂定舍

以待其勞故按兵覆衆伐國墮城又正遣人獲也下

注云漢史作不至千里人馬乏食兵法曰遣人獲也

全書改正謬奪處甚多後有蔣氏杲手記云康熙庚

寅借義門師校正本對勘師本乃從憇橋巷李氏借
得陽山顧大有舊藏宋槧本校定也又於卷一後錄
錢蒙叟題云舊本新序說苑首開列陽朔鴻嘉某年
某月某官臣劉向上一行此古人修書經進之體式
今本先將此行削去古今人識見相越及鏡刻之佳
惡一開卷而可辨者也

說苑二十卷

元刊本

漢劉向撰此本校刻楮印俱精前有南豐曾氏序連
屬篇目及劉氏進書狀猶宋本舊式也舊藏邑中馮

說苑二十卷

校本

氏

卷首有臣班
二癡二朱記

題鴻嘉四年三月己亥護左都水使者光祿大夫臣
劉向上前有向進書序繼以總目目後有曾鞏進書
序後有咸淳乙丑九月鄉貢進士直學胡達之眎役
迪功郎改差充鎮江府府學教授徐沂迪功郎特差
充鎮江府府學教授李士恠命工重刊三行是書元
刻脫謄甚多宋本與明程榮本次序無異惟第六卷
復恩篇中晉趙盾舉韓厥一條下多一條云蘧伯玉

得罪於衛君走而之晉晉大夫有木門子高者蘧伯
玉舍其家居二年衛君赦其罪而反之木門子高使
其子送之至於境蘧伯玉曰鄙夫之子反矣木門子
高後得罪於晉君歸蘧伯玉伯玉言之衛君曰晉之
賢大夫木門子高得罪於晉君願君禮之於是衛君
郊迎之竟以為卿云云為各本所無後有錢遵王題
記云戊辰夏五廿三日借朱卧菴宋槧本校畢又陳
玉齋題記云丙辰二月盡日閱於寶晉齋時有肩之
疾殊草草也九月九日又取敕先校本添改訖又何

小山題記云凡陳本與此異者出於下方辛巳夏四

月小山取陳本添改訖

卷首末有興祖孝修孫長君
大雅堂文玩記錢孝修圖書

印諸
朱記

纂圖互註楊子法言十卷

元刊
本

漢楊雄撰晉李軌唐柳宗元注宋宋咸吳祕司馬光
增註前列景祐三年宋咸序及進書表又司馬光序
與世德堂本同惟宋序後有墨印六行云本宅今將
監本四字纂圖互註附入重言重意精加校正並無
訛謬謄作大字刊行務令學者得以參考互相發明

誠為益之大也建安

下空三字

謹咨據此則是本依宋監

本授梓故卷首宋咸題名上冠以聖宋也案法言舊

有治平監本係李軌單注有音義為十三卷此則合

李注為五家注依宋咸本為卷十書中與李本有異

同如學行篇以其所以葬與上以其所以養向例正

同李本作以其所葬是所下脫以字矣吾子篇事辭

稱則經李本誤重事字問明篇巢父灑耳與音義灑

音洗合李本作洗耳當誤寡見篇又從而繡其鞶悅

李本誤重其字五百篇由羣婢之故也李本作羣謀

先知篇謹其教化李本作議其重黎篇請問蓋天李

本作請問蓋以天字混入注中大誤又始元之初李

本作始六之詔淵騫篇翼以揚之李本作翼以又實

蛛蝥之靡也李本作劇也君子篇人言仙者有諸乎

日吁李本乎下脫日字凡此諸條皆卓然勝於李本

者惜諸家注文多刪節而溫公集注十三卷全本不

得見尤可惜也

五臣音注楊子法言十卷

校本

此世德堂刊本與元刻五家注同惟去其重言重意

耳何氏義門與弟心友以傳是樓所藏治平本手校
一過李注俱補全間綴論議於上方卷中朱筆所點
與乙處即李文貞錄入榕村講授中者卷末有跋語
楷法精整當是義門真蹟嚮藏里中陳氏張氏藏書
志著錄者即從是本傳寫卷首有稽瑞樓朱記
五臣音注楊子法言十卷校本
此本與世德堂本同唯板心無世德堂刊四字新安
方山人亦以李軌單注本校末有題記二行云己亥
殘冬用南渡後國子監翻雕官本粗校一過宋本係

李軌本別有音義一弓附後惜未錄出案山人名正

澍字子雲乾隆間詩人也卷首末有新安方正澍珍藏嚴長明用晦甫圖書記

文昭借閱諸朱記

潛夫論十卷明刊本

漢王符撰此本出明初重刻宋本今以新安程本相

校勝處甚多如三式篇稷高不務稷禹德化篇砥矣

不誤砥礪氏姓篇賜禹姓似氏不誤似氏則不能故

也不誤改也王孫氏不誤五孫蓋須胸之女也不誤

言也畧舉什一足徵舊本之可貴矣卷首尾有瑣川吳氏收藏圖書

士禮居藏海寧
陳鱣觀諸朱記

申鑒五卷 明刊本

漢荀悅撰宋尤文簡公嘗刻荀氏書於江西漕臺已
有脫譌黃氏得其本而校之刻於正德間有王鏊序

中論二卷 明刊本

漢徐幹撰并序是書唐志作六卷晁氏讀書志陳氏
書錄解題馬氏通考俱稱二十篇卷分上下與今本
合比明弘治間吳縣學生黃紋以陸友仁藏宋石邦
哲校本重刻吳人韓壽椿繕錄寫刻俱精有邦哲友

仁及都穆跋嚮藏邑中毛氏 冊首有汲古閣朱記

中說十卷 宋刊本

題阮逸註前有逸序及篇目每篇為一卷目後有隱
士王氏取瑟堂刊一行每半葉十一行行二十字注
字雙行行二十五字朗恒徵慎字減筆卷中有朱筆
校語較元刻釋音本為勝

中說十卷 元刊本

比較宋刻本多釋音而間有譌字如銅川作鋼川藏
否作藏否惚乎作惚乎之類蓋元時書肆所刻者前

列王氏世系年表謂中文子出漢徵君霸之後題文中子纂事河汾繫子王士當是其裔孫所纂也

張子語錄三卷後錄二卷

宋刊本

不題名亦無序跋卷末有後學天台吳堅刊於福建漕治二行每半葉十行行十八字板心注字數及刊工人名敦字闕筆光宗後刻本也舊為汲古毛氏藏

書

卷首末有奏叔汲古閣圖書記朱

龜山先生語錄四卷後錄二卷

宋刊本

此亦福建漕治刻本與張子語錄行款悉同後題字

亦同書中恒桓徵慎敦減筆卷末有正統戊辰仲夏

在金谿義塾重裝一行

卷首有毛襄之印字奏叔二朱記

二程全書六十五卷

明刊本

此書為二程子門人所記朱子復次錄之凡記載失真者皆為刊削成遺書二十五卷附錄行狀墓表年譜為一卷又慮或有所遺復於門人集錄者采擇成編得十二卷題曰外書以別於遺書淳祐間教授張玘合經說文集刊行號程氏四書猶各自為書也明天順間國子監丞閻子與重刻之南陽李文達題曰

二程全書弘治間監察御史李瀚以舊藏本與閩本屬參議康詔宗僉事彭綱編校河南知府陳宣刻之有朱子二跋及李瀚彭綱陳宣序

童蒙訓三卷

舊鈔本

宋呂本中撰樓昉序其書歷述師友遺聞多格言至論宋時重之其本不一刻此一人王嗣賢所錄宋本原書卷末有墨圖記四行其文云紹定己丑郡守眉山李臺得此本於詳刑使者東萊呂公祖烈因鋟木於玉山堂以惠後學案嗣賢工書法喜錄鈔古書陳

見復先生弟子

卷末有生於虞山嗣賢二朱記

近思錄集解十四卷

宋刊本

宋朱子呂成公同輯建安葉采注前有淳熙乙未朱子原序及淳熙三年成公題辭及淳祐戊申葉采序淳祐十二年葉采進書表全書共六百二十二條每卷記若干條每半葉八行行十八字雙行夾注每行十八字魚尾注大小字數愔字闕筆即淳祐時刻本也

朱子語類一百四十卷

明刊本

門人彙輯與朱子問答語各錄成編咸淳間導江黎
氏靖德合池錄饒錄錄後錄建錄建別錄蜀類徽續
類考其同異削其舛謬分為二十六門序而刻置郡
齋此明人翻雕本一遵宋刻之舊

朱子成書十卷

元刊本

題廬陵後學黃瑞節附錄案瑞節字觀樂元時以薦
授奉和州學正未赴為學得朱門傳授輯朱子書在
四書外者共十種曰太極圖說通書西銘正蒙諸解
易學啟蒙家禮校正律呂新書皇極經世指要周易

參同契解校正陰符經每種為一卷前有大德乙巳
廬陵劉將孫序目錄後有墨圖記曰至正元年辛巳
日新書堂刊行

麗澤論說集錄十卷

宋刊本

此呂成公門人集錄其師之經說及史說雜說弟祖
儉裒輯成編從子喬年復附益次以刻之有後跋
詩說獨曰拾遺異於他經說者以有讀詩記故也雜
說多講學語成公學本程子論說醇正體用兼備故
朱子引之同纂近思錄雖門人所輯語類中間有不

足於伯恭之語迺當時效同志相規之義原非屏斥
之謂不得預於斯道也不解宋史道學傳何以遺之
其詩說一種與讀詩記體例稍異讀詩記專釋詩此
則開示後人讀詩之法或證以史事或抒其心得多
體會真切處如說免置謂後世甯戚飯牛買臣負薪
不足以容已是齊與漢之風化小若文王之時免置
之人雖皆有才而當其施於中遠施於中林雍容間
暇自忘其才可為公侯之用則周南風化之大可知
說碩鼠謂我將去之將者欲去其實不去譬之以鼠

怨憤極矣猶且不忍去所以見忠愛之深說天作高
山謂彼徂矣岐三句是一詩要處後世因物思人如
峴山之類以為人既亡所存惟陳迹古人則異是文
王雖往而其坦夷可行之道與山俱存而未亡子孫
保之足矣畧舉數條可知其以意逆志之概是本每
半葉十行行二十字板心有字數其匡貞恆慎完徵
字皆有減筆猶呂氏原刻本也

卷中有徐恪甫
公圖籍朱記

木鐘集十一卷

明刊本

宋陳埴撰并序是書雖名集而實為語錄故取攻木

撞鐘之義久無傳本明弘治間鄧淮為温州守得舊

本刻置郡齋以行卷首有牧翁蒙叟璜川吳氏收藏二朱記

大學衍義四十三卷宋刊本

宋真德秀撰前列自序及進書表又尚書省劄子又

中書門下省時政記房申狀狀末題端平元年十月

日翰林學士中奉大夫知制誥兼侍讀真德秀狀以

下為目錄每半葉十一行行二十一字匡惇字闕筆

桓作亘卷末有錫山治本堂書及古主人毛氏子晉氏諸朱記

西山真文忠公讀書記甲集三十七卷宋刊本

宋真德秀撰書錄解題云其書有甲乙丙丁甲言性

理中述治道末言出處今但有甲三十七卷丁二卷

文獻通考亦僅在三十九卷明刻本有乙集為門人

湯漢所續丙集亦無是宋本止有甲丁二集此闕丁

集二卷耳卷首綱目一篇具詳作書之旨每半葉九

行行十六字注每行二十四字間有元明時修板寬

行大字宋監本也

黃氏日鈔九十七卷元刊本

宋黃震撰沈達序此書刻於宋時中值兵燬板已亡

失元至元間孫禮之購求蒐輯補亡以刻之已闕卷
八十一卷八十九卷九十二書中桓字或減筆作栢
或作亘蓋是本從宋槧出也舊藏曹倦圃家

卷首有
曹溶橋

李曹氏藏書
印二朱記

北溪先生字義二卷

明刊
本

宋陳淳撰題門人清源王雱編後附嚴陵講義四篇
宋時有永嘉趙崇端刻本陳宓為之序明弘治三年
浙江參政臨漳林進卿重刻之後進卿擢浙藩以舊
板亡失復刻之此其再刻本也卷首有弘治庚戌新

喻胡榮序卷末有弘治壬子分宜周季麟跋

孔子集語二卷

影鈔
宋本

宋薛據纂并序書成於淳祐丙午凡二十篇前有景
定元年中書省看詳進狀此本舊藏崑山葉氏每段
不提行惟空一格加圓圍與山東孔氏刻本款式異

後有錢遵王顧抱冲跋

卷首有葉氏篆
竹堂藏書朱記

程氏家塾讀書分年日程三卷

元刊
本

題鄞縣程端禮編此甬東家塾刊本也前有翰林余
謙序南臺中法法迂軒趙世延序至順三年永嘉李

孝光序及延祐二年端禮自序又次為綱領後有元
統三年自跋謂舊本不同此則刊於家塾本又有至
治改元巴西鄧文原跋元統三年甬東薛觀處跋

卷首

有汲古閣毛晉之印
毛子晉氏諸朱記

辨惑編四卷

舊鈔本

元謝應芳撰是書因吳俗信鬼神而作嚮無刻本近
謝氏後人出家藏本屬毘陵高廷鈺校刻行世此猶
明人傳錄本也

魯齋心法二卷

舊鈔本

元許衡撰此皆文正與門人講學之言不載魯齋全
書中明嘉靖元年洪洞韓士奇得其本序而刻之是
本即從之傳錄也

右儒家類

兵家類

六韜六卷

影鈔宋本

舊題周太公望撰核之唐宋人傳注類書所引率多
不合疑出後人依託然宋時流傳即是本也書中敬
完徵慎有減筆蓋邑人錢孝修從宋本影鈔者字畫

精妙可嘉孝修遵王從子

卷首有錢孝修
圖書印朱記

武經七書

影鈔
宋本

是書為宋時合刻不題纂輯姓氏無序跋據宋史謂何博士去非為武學教諭校兵法七書是出何氏手定也按總目孫子卷上中下吳子卷上下司馬法卷上中下唐太宗李衛公問對卷上中下尉繚子卷一至卷五黃石公三畧卷上中下六韜卷一至卷六每半葉十行行二十字葉心有字數刊工姓名晁氏曰元豐中以六韜孫子等頒行武學號曰七書是本當

出其時案尉繚子黃石公六韜宜置前而反列李衛公問對之後宋時亦疑其偽託矣

尉繚子直解五卷

明刊
本

題前辛亥科進士太原劉寅解案隋志尉繚子五卷唐志作六卷此猶舊第其書每節分解簡要明畫似宋人之筆特未知寅為何時人耳其刊本款式當在嘉靖以前也

直說素書一卷

元刊
本

是書乃黃石公遺言與三畧異其注釋未題名案序

作於至正十四年稱廣陵寡學王氏注即其作也後
有音釋

李衛公望江南一卷

明刊本

唐李靖撰前有貞觀七年靖自序畧謂自黃帝為始
以晉漢書撮取諸家兵道要妙以至占課主客迎避
應軍所宜勝負情源選纂類聚作為誦歌計七百首
目之曰望江南云云後有錢塘張振先刻板跋案敏
求記有神機武畧望江南一卷疑即此書相傳黃石
公以授張子房者其說尤誕大抵術士依託之說即

謂李衛公作亦未可信也

神機制敵太白陰經十卷

舊鈔本

題唐河東節度使都虞侯李筌撰卷首進書表末有
六行云秘閣楷書臣羅士良寫御書祇候臣錢承灝
勳入內黃門臣張永和宋允中監入內內侍高班內
品臣譚元吉趙誠信監與錢氏敏求記合惟宋允中
錢本作宋允中此傳寫偶異耳按表尾聯銜六人為
唐永泰時內府臣遵王未見前葉據以為宋朝內府
鈔本非也李氏嘗注孫子見道藏本又有古文辭傳

世是書見唐志宋志杜氏通典兵類中采用頗多迺
兵言之最可信者非若他書之出自依託也此本較
四庫著錄少宴娛音樂二篇而篇首總序及天無
陰陽篇不闕猶存十卷之舊為可貴云

道德經論兵要義述四卷

本鈔

題朝議郎使持節漢州諸軍事漢州刺史充威勝軍
使賜緋魚袋臣王真上前有元和四年進書狀又敘
表一篇王氏久列戎行熟於兵事因唐時尊崇老子
故借道德經言兵之義以推闡之

武經經總要前集二十一卷後集二十一卷

本明刊

宋曾公亮丁度等奉敕撰分前後二集制度十六卷
邊防五卷後集故事十五卷占候六卷有仁宗御製
序可考見宋時一代兵制

何博士備論一卷

本舊鈔

宋何去非撰卷首有蘇文忠薦狀稱二十八篇此本
祇二十六篇核錢氏也是園藏本多漢武論唐論二
篇而此本中鄧禹論又錢本所無參合兩本可還二
十八篇之舊又兩本題有互異者如此本首篇戰守

論錢本作秦論七國論作六國論

孫堅攻董卓論作吳論曹操攻袁紹吳蜀論作魏論

上韓信曹操論作魏論下司馬懿論作司馬仲達論

諸葛亮論作蜀論孫氏保全江東論則連上孫堅攻

董卓論為一篇題曰吳論淮淝之戰論作苻堅論上

慕容垂叛苻堅論作苻堅論下五代通論無通字皆

篇名之異字句亦多異同此為蕭飛濤手鈔本飛濤

名江聲一字白沙以詩畫篆刻擅名邑中

記飛濤白沙
手校諸朱記

卷首有蕭
江聲讀書

將鑑論斷十卷 舊鈔本

宋戴少望著并序論凡百篇取春秋至五季名將行

事究其得失而論斷之宋時有麻沙本成化間廣安

守許某得其本於蘇州范氏刻之郡庠有王鉞跋此

尚出明人所鈔

鐵琴銅劍樓藏書目錄卷十三終

鐵琴銅劍樓藏書目錄卷第十四

常熟瞿 鏞子雍

子部

法家類

管子二十四卷 宋刊本

此書首列管子序楊忱撰接總目錄又劉向進書序
連接管子卷第一題唐司空房元齡註又列卷一之
目後接本文以後每卷同卷末後有張嶠臣山讀管
子不詳歲月文中有紹興己未從人借得改正謬

鈔藏於家云云楊序作於大宋甲申九月按己未為
紹興九年甲申為隆興二年孝宗初立時也大約刻
即在其時每半葉十二行行廿四字宋諱敬竟鏡殷
匡貞字有闕筆明萬歷間趙文毅刻本即從此出校
讐亦慎然尚有謚字亦有臆為校正而實謚者今除
宋本本謚趙本校正不謚外舉其異於趙本而可訂
正者如卷一形勢第二虎豹託幽而威可載也託不
作得謫臣者可與遠舉與不作以邪氣襲內龍衣不作
入道往者其人莫往道來者其人莫宋上不作莫來

下不作莫往于廷宋氏曰道往者其人莫往言人與

來亦與道化而不見來也故注云均彼我忘是非而

無往來之體劉績據形勢解改作道往莫求道來莫

往彼係莫知其澤之澤按釋作澤其功逆天

者天圍之圍石渠王氏曰圍古通違借字繫

文範圍馬王權脩第三舟車臺榭廣車下無飾字朝

肅張作犯違庭不肅庭不作廷宋曰庭廷立政第四功力未見於

國者則不可受與重祿與不作以草本不得成得不

作植然後可以布憲后不作後全書悉同乘馬第五
凡立國都非於大山之下大不作太王山大山廣川
相對為文無取

於木山長短小大盡正不作大小數鎌經得入焉經不

作纏王曰纏說文作縹索也案鍊以刈薪經以束之

列子云擔纏采薪是也鎌經皆入數采薪之用故曰數鎌則視貸離之實而出夫粟貸不作貨今日

不為明日亡貨亡不作忘卷二七法第六戒器不課

不用不試不臧臧不作藏必須於理義故不理不勝

天下理不作禮版法第七兼受無遺謂君謂上無是

字君下無心字象地無親地不作法案象地與上法天對作地為是

安高在乎同利不作高安卷三幼官第八治和氣下

無用五數三字案三字劉績增藏温儒儒不作濡宋曰說文儒柔也温

儒猶温柔與濡義近古字通用勸勉以遷衆遷不作選聽用聲下無

治陽氣三字劉績增行春改革春不譌秋必得文威武

官習勝勝下無之字養之以德則民合故能習合下

無和合二字莫能傷也莫下無之字罰人是君君下

無也字幼官圖第九小注次序作西方本圖西方副

圖南方本圖中方本圖北方本圖南方副圖中方副

圖北方副圖東方本圖東方副圖以下本文悉依之

劉績本與宋本同趙本依上文改易其舊其中方本圖文中庶人之守也

下無動而無不從靜而無不同十字卷四宙合第十

一民之與善也如化不作如此

王曰作化是呂氏春秋曰兵不接刃而民

服若

爵尊即肅不作則

松崖惠氏曰即則古同字

繆過以惛則憂

惛不作昏樞言第十二故曰有氣則生無氣則死下

無生者以其氣五字

劉績增

萬物之脂也脂不作指賢

大夫不恃宗室室不作至自古及今未嘗之有有下

無也字卷五人觀第十三金玉貨財商賈之人不論

而在爵祿論下無志行二字祿下無也字法禁第十

四壹士以為亡資不作壹士

王曰壹當為壹亡乃己之譌尹注作壹殮之士

大謬壹聚也言收聚眾士以為己用即上文所謂舉國之士以為己黨也王以意定為壹豈知宋刻本作

壹不作壹耶

重令第十五慶賞不施於卑賤而求論之必

行而上無二三兩字卷六法法第十六是故先王制

軒冕足以著貴賤不作所以法之侵也生於不正於

不譌而故言有辯而非務者辯不作辨於物之人無

大士焉矜不譌務則內亂自是起矣不脫矣字兵法

第十七得地而國不敗者因其民民下無也字因其

民則號制有發也民不譌利卷七大匡第十八令君

知臣之不孝也臣下不脫之字召忽曰可曰下無不

字

千里顧氏曰可當為巨或形近而譌文義當為不可也

其反不足以圖我哉

反不作及宋曰反當是友之譌下文朋凡仕者近公

不作近宮小匡第二十管仲誦纓捷社不作插社淵如

孫氏曰太平御覽引此耒耜殺芟殺不作穀孫曰殺

齊語作耒芟王曰敬畏威農下有有司見之而不以

告其罪五有司已於事而竣十八字案此下文語錯

設問國家之患而不肉肉不譌肉王曰劉續依齊語

其字本作宐隸書或從篆作肉形與肉相似因誤為

肉說文宐病也從宐久聲詩曰覺覺在宐今詩宐

作疾未必非後人所改案王校未見聰明賢仁賢不

譌質渠彌於有渚有不作河下渠彌彌不作瀾中國

諸侯不作中諸侯國握粟而筮者屢中筮不譌筮案

即筮故行地茲遠茲不作滋人君惟優與不敏為不

可優不作優下優則亡衆同宋曰優訓隱言人君自

優則亡衆也若作優而釋以此五子者夷吾一不如

脫一字卷九霸形第二十二桓公親管子曰不作視

管仲曰案親疑視之譌上下文霸言第二十三千乘

之國可得其守不脫可字未嘗有能先作難不作先

能卷十戒第二十六使四枝耳目而萬物情不作四

肢地圖第二十七主明相知將能之謂參具參不作

載

載

載

載

參制分第二十九乘瑕則神不作乘瑕案說文無瑕字此以篆文

瑕字形近而譌至而不可圍圍不作圍君臣上第三十地有

常形形不作形案形形古字通所出法則制度者明也不作

則所出法度者明也卷十一君臣下第三十一而物

厲之者也厲不作屬宋曰厲讀為賴則下無冀倖之心矣冀

不譌甲故民趕則流之不作民迂案趕即迂之別體上文刑道滔趕亦

即是迂趙補注謂走也巨言切則謬矣明妾寵設妾不作立小稱第三

十二又可得乎下無我託可惡四字劉績本亦無趙刻臆增四

稱第三十三不諱其辭諱不作毀侈靡第三十五山

不同而用揆同不作童揆不作贍此不可通而趙刻臆改必因

成刑而論於人刑不作形此政衍也衍不作行案衍字不

可通或是道字因篆文作非而譌承弊而名勸之名不作民請問諸

侯之化弊也不脫也字又擊而伏之擊不作繫國門

則塞而姓誰衍教衍不作敢此衍字或衍字之譌言國門既塞百姓無行邀

者毋仕異國之人是為經為下無失字乘馬田之衆

田不作甸地與他一者從而艾之他下無若字國貧

而貧鄙富不脫貧字百夫無長衍可臨也衍不作不

重有齊重以為國重上無輕字夫陰陽進退滿虛時

亡不作亡時卷十三心術上第三十六婦除不絜絜

不作潔案絜潔本字說文無潔字心術下第三十七治心在中在

下無於字意然後刑刑然後思刑俱不作形凡心之

刑過知先王不作過知失生案先王失生俱不可通疑宋本先字不譌而王

乃生白心第三十八知其象則索其刑刑不作形故

善舉事者國下空一字不作人字卷十四水地第三

十九而好酒人之惡酒不作灑案洒古洗字作灑非非特知於

麤粗也粗不作麤王曰麤粗與下微渺對文上倉胡反下才胡反春秋繁露俞序篇曰

始於麤粗終於精微漢書藝文志曰庶得麤狗隱元年公羊傳注曰用心尚麤狗學者不能分別傳寫多

誤四時第四十闕譯認認不作跽行秋政則旱下即

接是故春凋秋榮云云其是故冬三月至所惡必伏

一段原在下文暴虐積則亡下劉績移置於前趙本因之作教而

寄武焉不脫焉伯申王氏曰句當有焉字豈知宋本固有之攝奸遁不作

捕姦遁五行第四十一地競環環不作環任法第四

十五猶埴已埴也不作猶埴之在埴也不能其意能

不作適案能下疑脫一字正世第四十七重賦斂得民財得

不作竭治國第四十八而亂國必貧必不作常封禪

第五十帝偕封泰山偕不作誓小問第五十一何以

為寡也不作何為其寡也發倉廩山林藪澤以共其財倉不作食桓公與管仲闔門而謀伐莒未發也下無而已聞於國矣至未發也二十七字劉績補夫之役

者夫下無日字卷十七七臣七主第五十二傷伐五

藏藏不作穀依尹注五穀之藏當作藏卷十九弟子職第五十九

拚前板祭不作飲祭宋曰宋作板譌卷二十形勢解第六十

四臣下墮而不忠墮不作隨筠軒洪氏曰墮與惰同下文云解惰簡慢以之

事主則不忠不以其理衍下瓦則必母答之理下有衍字

無動者二字必不作慈宋曰不以其理下一衍字校書者所加謂此四字為衍文

也案必母當是母必譌倒亂主獨用其智而不任聖人之智聖不

作眾案上文以聖人之智思慮者無不知也當作聖使人有理遇人有礼理

礼不互倒卷二十一版法解第六十六故曰四說在

愛施不脫四字明法解第六十七任人而不言言不

作官宋曰羣書治要引作任人而不課言乃課字脫其半也主無邪辟之行辟

不作僻使羣臣効其智能効不作效下同乘馬數第

六十九賣子數也也不作矣地田筭相員員不作圓

宋曰員數也謂以筭通田之數今本作圓譌卷二十二事語第七十一不

待權與與不作輿海王第七十二今監之重今不作

令人數間口千萬也間不作問

孫曰揆度篇及通行典所引俱作問口行

服連輶輦者輦不作輦

惠曰連即古輦字王曰通典引此亦作輦故尹注云大車

馬

國蓄第七十三夫民者信親而死利信親不互倒

山國軌第七十四請問官國軌官不作宮十鼓之壤

鼓不作畝山田間田曰間不作間為之有道乎乎不

作予

石渠王氏所見影宋本謠乎為于謂于即乎字引高誘注呂覽曰于乎也為証豈知宋本本作

乎不作

于也山權數第七十五君不高仁則問問不相被

問不作國相因揲而筭因不作因山至數第七十六肥

籍斂則械器不奉而諸侯之皮幣不衣械器不奉下

不復衍四字春秋田穀之存子者若干子不作予故

諸侯服而無止止不作正地數第七十七苟山之見

其榮者不脫者字揆度第七十八剽以為門父剽不

作剽此乃財餘以滿不足之數也不脫也字母曰用

之使不得不用也使不作用國准第七十九國准可

得而聞乎不脫而字禽獸象也禽不作猛出金山立

不作出山金立輕重甲第八十不筭者得振筭不作

資

王曰筭乃澹字澹即贍以隸書作澹形近而譌也

故遷封食邑食不作倉

釜鉅之數釜不作金夫妻服簞不作服簞

王曰簞乃輦之譌

則無屋粟邦布之籍籍不作藉則空閒有以相給資
 閒不作聞故使民求之使民籍之籍不作藉次日薄
 芋芋不作芋卷二十四輕重乙第八十一夫海出沸
 無止沸不作凍左右不足支支不作友已得四者之
 序得不作有輕重丁第八十三上斷輪軸斷不作斷
 帶山負海苦處上斷福漁獵之萌也苦不作若王曰
苦處
當為各處福當為輻上斷
福猶上文言上斷輪軸也少者三千鍾千不作十北
 方萌者方下無之字受息之萌萌不作氓國有慧星
 慧不作慧下同衍布五十倍其賈衍不作術按衍疑
行之諺

行布對王輕重戊第八十四以其不捐也捐不作捐王

捐當為捐按至致
古字通子為我至生鹿二十至不作致

日今齊載金錢而往日今不作因令王曰公因當為
公其上文曰君

其鑄莊山之金以為幣下文曰公其令
人責買衡山之械器而賣之皆其證案王氏孫氏

洪氏宋氏所云宋本皆影鈔紹興壬申瞿源蔡潛道

刻本影鈔亦有譌舛與是本間有不合處故所舉與

讀書雜識管子義證管子識誤三書亦不盡同莫附

諸家所記後以供好古者參証之助云

管子二十四卷校宋本

此鄉先賢趙文毅刻本有趙自序及王世貞序顧澗
蕢氏以殘宋本校殘宋本自卷十三至十九缺每卷
末有墨圖記二行其文曰瞿源蔡潛道墨寶堂新雕
印其卷終又有圖記二行云瞿源蔡潛道宅板行紹
興壬申孟春朔題澗翁又以朱筆錄惠松崖徵君疏
證語於上方卷首有顧澗
蕢手校宋記

管子二十四卷

明刊本

題唐司空房元齡注據舊唐書經籍志新唐書藝文
志有尹知章注後人咸謂是尹書而訛題房注者注

釋多所抵牾黃氏日鈔譏之書中多古通用字唐人
不講訓詁故所解率多牽強附會此本出先民陸敕
先所校悉照宋本顧澗蕢氏依之以錄并自加案語
訂譌甚多

鄧析子二卷

宋刊本

不題名前有劉歆進書序謂子產卒後二十年而鄧
析死傳說或稱子產誅鄧析非也序後即接本書猶
見古式每半葉十一行行十五字樹字有闕筆卷末
有朱文方印曰世美堂印又有長方朱文印曰魏國

文正公二十二代女疑為震川先生配王夫人印記
震川文中有云居安亭時夫人嘗屬里媪訪求古書
也

商子五卷

舊鈔本

漢志稱高君隋志始稱商子皆載有二十九篇今篇
目有二十六與晁氏讀書志合而第十六第二十一
篇已有目無書此邑人馮知十所錄以宋本校過

卷首

有彥淵馮知十
讀書記二朱記

韓非子二十卷

校本

舊有注不題姓氏或曰李瓚此趙文毅與管子合刻
本有趙自序及王世貞序原出宋槧補和氏姦劫說
林六微等篇脫文而字句間多用他刻更定雖訂譌
不少已失宋本真面目顧澗菴氏先假得惠徵君臨
馮已蒼校本屬友人王小梧渭錄於是本馮本出葉
林宗校道藏秦季公本惠氏自有疏證語并錄上方
小梧亦有案語繼得道藏本覆勘又得述古堂影鈔
宋本覆校最後得乾道初黃三八郎槧本於陽城張
氏校勘畢事復以已意訂正之後來全椒吳氏覆刻

乾道本附識誤三卷於後此其藍本也宋槧本道藏本於卷十一外諸說左止第三十二篇末較趙本衍四行其文曰有相與訟者子產離之而母得使通辭到至其言以告而知也惠嗣公使人偽關市呵難之因事關市以金關市乃舍之嗣公謂關市曰其時有客過而予汝金因譴之關市大恐以嗣公為明察顧氏曰其辭與七術篇多複出兼有脫譌趙本削之是也顧氏所校絕不專輒輕改亦不遷就宋刻漫無別白其訂誤必精心剖辨依據確覈嘗謂人言校書何

難者以未嘗校故也如真欲校之便不為是言矣

刑統賦解二卷

舊鈔本

題元左宣德郎律學博士傅林撰東原郝韻釋益

都王亮增註有趙孟頫序案是書已見晁氏讀書志

則題為元人者非郝下原闕一字其中解曰云云出

傅氏自註歌曰云云是郝氏韻釋增註曰云云出自

王氏敏求記謂延祐丙辰刻本者當即是書惟後無

李方中韻釋耳舊為倦圃藏書後歸海寧查氏邑中

張氏

卷首有曹溶稿李曹氏藏書印臣名岐昌字曰藥師得樹樓藏書諸朱記

粗解刑統賦一卷

舊鈔本

題鄒人孟奎解前有至正壬辰自序及沈維時跋案奎字文卿元至正間人所解皆淺顯易明令人便於誦習其篇末總論兢兢於刑法之事知之匪艱而用之維艱謂法律一定人情萬端一定之法不足以盡萬情故不可泥於紙上之法而不察斯民之情惟慎詳真偽使曲直輕重各得其宜民無枉濫斯為善矣使其恣一己之喜怒致斷者不復續死者不復生陰隲非輕報應甚速豈不哀哉其所以做夫折獄者深

矣世之司刑者當置此書於座右時為省覽也

卷末有皇

父五經朱記

刑統賦疏一卷

題沈仲緯氏撰有俞淖楊維禎序案仲緯未詳其名據鐵崖序謂為郡府掾其書取傅氏賦文而為之疏引據詳析疏後有直解彙括易曉解後有通例則取當時罪案斷例以為左驗意主戒做非泛作刑書也中有朱筆校改處間據元鈔本不詳何人所校是書諸家書目皆不載嚮藏郡中黃氏邑中張氏

右法家

農家類

齊民要術十卷

校本

後魏賈思勰撰并序又葛祐之序華亭沈氏竹東書
舍刻本較胡氏震亨刻本脫文脫字尤多桑柘篇中
脫去一葉與胡本同陳子準氏以宋槧殘本一一校
補案錢氏敏求記謂嘉靖湖湘本文注混淆首卷簡
端周書曰神農之時天雨粟云云原係雙行夾注不
當刊作大字今案宋本良然惜後四卷宋本亦闕不

獲校全然其佳處已不勝俚指矣

卷首有邵彌藏書畫記宋記

農桑撮要二卷

元刊本

元魯明善撰并序案元時官頒農桑撮要一書以齊
民要術為藍本共分六門而卷末載歲用雜事猶畧
此本則分十二月令案時件繫詳言種殖斂藏之事
足補輯要所未備卷中十一月修池塘一條謂宜於
農隙之時填補塘岸令高中間要挑掘令深則聚水
寬廣所以預備乾旱此真耕農要務也書初刻於延
祐甲寅又刻於至順元年此其再刻本也

醫家類

新刊補註釋文黃帝內經素問十二卷

元刊本

題啟元子次註林億孫奇高保衡等奉敕校正孫兆

重改誤啟元子唐太僕令王冰也

文獻通考及郡齋讀書志作王冰

林億高保衡宋嘉祐中人隋全元起舊有注八卷佚

其第七冰得其本為之補注億等既校正繆誤復增

注二千餘條遂為完書有保衡進書表及冰序此至

元刻本目錄後有原本二十四卷今併為一十二卷

刊行卷末有墨圖記二行云至元己卯苕節古林書

堂新刊

卷中有葉樹廉印石君樸學齋歸來草堂張氏璧甫諸朱記

新刻黃帝靈樞經十二卷

元刊本

不著撰人晁氏讀書志曰王冰撰謂即漢志黃帝內

經十八卷之九世謂王冰偽託又謂即唐志黃帝九

靈經十二卷王冰更其名曰靈樞經此與素問同時

刻本目錄後有至元己卯古林胡氏新刊一行卷一

後有墨圖記一行云至元庚辰苕節古林書堂印行

新刊王氏脈經十卷

舊鈔本

晉王叔和撰并序又何大任後序案叔和高平人官

金匱要略卷之五
太醫令世傳叔和脈訣一卷與此不同乃偽作也是
編亦宋林億等校定前有億進書序末列高保衡孫
奇林億銜名宋紹聖嘉定俱有刻本此本目錄後有
天歷庚午歲廣勤葉氏刊一行蓋從原刻本鈔出

劉涓子鬼遺方五卷

宋刊本

齊龔慶宣編案唐志有龔慶宣劉涓子男方十卷書
錄解題有劉涓子神仙遺論十卷東蜀刺史李頤錄
當別一書也此本首有永明元年自序其述涓子得
書之由在晉末用兵丹陽時語涉神異已載錢氏敏

求記又云涓子姊適余從祖叔涓子寄姊書叙此事
并方一卷方是丹陽白薄紙本寫今手跡尚存從家
世能為治方祕而不傳至孫道慶臨終見語家有神
方兒子幼稚欲以相傳遂受而不辭自得此方於今
五載所治皆愈劉氏草寫多無次第今輒定其前後
族類相從為此一部流布鄉曲又道慶云此鬼方舅
祖涓子兄弟自寫稱云無紙而用丹陽錄永和十九
年資財不薄豈復無紙是以此別之耳每半葉十三
行行廿三字板心但一鬼字字體肅穆紙質堅韌異

常全書無宋諱字疑出五代宋初所刻敏求記曰此書極為奇秘收藏家罕見之然遵王所藏是宋鈔本

此則古刻尤足珍也

卷首有汪士鐘藏朱記

巢氏諸病源候總論五十卷

明刊本

隋太醫博士巢元方等奉詔撰有宋綬序陳氏書錄云千金方諸論多本是書宋制每用以課試醫士也此明王氏主一齋刊本

孫真人備急千金要方三十卷

元刊本

唐孫思邈撰前列高保衡等進書序遇明聖主上等

字俱跳行當仍宋刻舊式也原書與千金翼方三十卷本各單行後人合併之又離析卷帙為九十三卷失古本之真矣此猶三十卷之舊與晁陳二家書目及敏求記所述悉合

廣成先生玉函經一卷

宋刊本

題傳真天師特進檢校太傅太子賓客主管大學士戶部侍郎徽國廣成杜光庭撰盱江水月黎民壽註前有自序每半葉十一行行廿一字板刻不工殆宋末麻沙本後有黃氏丕烈跋云錢氏敏求記有杜光

庭了證歌一卷云光庭謹傍難經各推了證歌為之
以決生死宋高氏為之注東越伍捷又為之補注此
書自序則云謹傍難經畧依決證迺成生死歌訣一
門實是一書惟注本不同故更其名耳黎注中引王
德膚易簡方謂宋人王碩也知民壽亦為宋人矣

卷末

有沈辨之
氏朱記

太平聖惠方三卷

鈔殘本

宋王懷隱鄭彥等奉詔編校原書一百卷全本久佚
此黃文琴六從宋槧殘本寫出僅存眼齒二門可謂

吉光片羽矣書中九字俱作圓宋諱桓字嫌名也

銅人腧穴鍼灸圖經三卷

舊鈔本

不著撰人名氏晁氏讀書志謂皇朝王惟德撰玉海
謂王惟一未詳孰是此明人鈔本猶存三卷之舊後
有析為七卷者失天聖舊本之第矣有正統御製序

新刊華佗元門脈訣內照圖二卷

明刊本

題華佗編集後有序云圖左之註宋人楊介撰成化
初閣老彭文憲於祕籍中鈔得出以見授蘭家世以
醫行淮南先伯子院判德明府君與蘭獲列官於朝

供奉御局者三十餘年獲蓋於是書不少因命二子
本棊重加校定梓之是作序者名蘭因序末一葉已
失其姓不可知矣

傷寒必用運氣全書十卷

明刊本

是書前三卷錄劉溫舒運氣圖論以下錄廣平程德
齋運氣起例歌括以及鈴法方藥總名運氣全書亦
熊宗立編有序卷末有成化二十二年春正月既望
奉敕督河南學政按察司檢事江浦石淮校刊二行

經史證類大觀本草三十一卷附本草衍義二十卷

明刊本

宋唐慎微撰是本卷數與書錄解題合郡齋讀書志
及玉海俱作三十二卷合目錄并數也金泰和中晦
明軒所刻并為三十卷已改大觀舊第此本未經竄
亂卷首有艾晟序後有墨圖記云經史證類大全本
草三十一卷附本草衍義二十卷貞祐二年嵩州福
昌孫夏氏書籍鋪印行考金宣宗貞祐二年乃宋宣
宗嘉定七年每半葉十二行行二十字後來元大德
壬寅宗文書院刊本當即從此本出而明萬曆丁丑
本又依元本刊也本草衍義文獻通考作廣義其卷

數同書錄解題作十卷與此本不合

每卷有錢氏家藏朱記

太平惠民和劑局方十卷附指南總論二卷

元刊本

此書首列進書表末題將仕郎措置藥局檢閱方書
陳承奉議郎守太醫令兼措置藥局檢閱方書裴宗
元朝奉郎守尚書庫部郎中提轄措置藥局陳師文
謹上三行凡十四門七百七十八方與陳氏書錄及
玉海作五卷為二十一門二百九十七方不合蓋陳
氏王氏所載為師文原本此則紹興以後增修本也
文獻通考作十卷殆即此本矣目錄後有建安宗文

書堂鄭天澤新刊一行曝書亭所藏竹垞氏有跋者
為建安高氏日新堂刊本同為元刻別一本也近時
邑中張氏列入學津討原者得同里陳氏舊鈔本多
增廣二字而脫落處甚夥今以張本校之如卷一五
脾湯下脫壽星圓左經圓活絡丹七生圓川芎茶調
散乳香趁痛散黑龍圓七方乳香宣經圓下脫換腿
圓大聖保命丹四聖圓輕腳圓大防風丹經進地仙
丹伏虎丹烏藥順氣散祕方換腿圓左經圓木瓜圓
追風應痛圓磁石圓故麻散十四方卷三順氣木香

散下脫和氣散一方卷八槐角圓下脫勝金圓一方
何首烏散下脫樺皮散一方王龍膏下脫花藥石散
一方及五行八卦之圖導滯散下脫如聖散檳榔散
二方神效當歸膏下脫膩粉膏一方烏蛇膏下脫槐
白皮膏一方補損當歸散下脫復元通氣散一方卷
九澤蘭圓下脫鍾乳澤蘭圓一方吳茱萸湯下脫伏
龍肝散一方牡丹煎圓下脫椒紅圓一方白薇圓下
脫小白薇圓紫石英圓四物湯陽起石丸白朮散五
方保生丸下脫榆白皮散當歸丸當歸建中湯大通

真圓四方催生丹下脫芎藭湯蒲黃散當歸散牛膝
湯四順理中圓漏蘆散大聖散七方油煎散下脫滋
血湯烏金散暖宮圓琥珀澤蘭圓四方安胎飲下脫
神仙聚寶丹洗洗圓人參鼈甲圓濟危丹四方南嶽
魏夫人濟陰丹下脫琥珀黑散滑胎枳殼散茂香散
竹茹湯四方琥珀圓下脫鮫血圓內炙散烏雞煎丸
三方白聖丹下脫暖宮丸滋血湯安胎飲益陰丹妙
應丹五方牡丹散下脫紅花當歸散烏金散艾煎圓
當歸芍藥散調經散五方黑龍散下脫人參當歸散

一方當歸養血圓下脫四神散當歸黃芪湯神授散
小地黃丸交感地黃煎丸加減吳茱萸湯熟乾地黃
湯七方增損四物湯條須日進黑神散三服下脫二
百廿九字文多不備錄緒蹄方下產前將護法上此
本有八月安產圖體玄子借地法禁草法禁水法共
文二十一行張本皆脫催生符下有推婦人行年法
逐日產母生子宜向方逐月產母生子忌向方藏胎
衣吉方逐日日游神五條共二葉張本亦脫卷十太
一銀朱丹下脫軟金丹一方至聖丹下脫定吐救生

丹一方五疳保童圓下脫熊膽圓一方虎睛圓下脫
天麻防風圓一方香連圓下脫紫霜圓一方沒食子
圓下脫水銀福圓子一方惺惺散下脫人參羌活散
辰砂金箔散消毒散人參散生犀散五方朱砂圓下
脫蘆薈圓和中散人參半夏圓辰砂半夏圓丁香散
六神丹六方肥兒圓下脫至聖保命丹一方人參圓
下脫溫脾散一方白豆蔻散下脫當歸丸一方豆蔻
香連圓下脫木香白朮散一方赤石脂散下脫礬墨
散半夏散二方朱礬散下脫紫蘇子散犀角人參散

二方鎮心至寶丹下脫小黃連阿膠圓一方麥煎散
下脫辰砂茯神膏一方祕傳神仙消痞圓下脫小駐
車圓一方銀白散下脫蝦蟇圓一方玉真湯下脫薄
荷湯紫蘇湯二方二宜湯下脫厚朴湯一方仙朮湯
下脫杏霜湯生薑湯益智湯三方茴香湯共二方其
後一方脫縮砂湯下脫胡椒湯一方此皆張本之脫
誤惜未依此本刻之也書中丸字或作圓猶宋本之
舊未附指南總論二卷題敕授太醫助教前差充四
川總領所檢察惠民局許洪編張氏所未刻者乃譌

以圖經本草一種為用藥總論尤失之也

重校證活人書十八卷

影鈔
宋本

宋朱肱撰并序前有進書表謝表謝啟案書錄解題

云肱字翼中吳興人祕承臨之子中書舍人服之弟

登進士科以張仲景傷寒方論各以類聚為之問答

本號無求子傷寒百問方武夷張藏作序易此名晁

氏讀書志所載亦合惟作二十卷

文獻通考亦作二
十卷惟書錄解題

卷數與
此本同而此本進書表中亦云二十卷刻時當有刪

併故少二卷也政和八年刊於杭州大隱坊每半葉

八行行十五字嚮藏邑中孫氏

卷中有天真閣朱記

史載之方二卷

影鈔宋本

此名不題名亦無序目自郡齋讀書志以下皆未著錄郡中黃復翁得之石冢嚴氏此即從之過錄者也載之名不甚著其始末無攷惟據復翁跋稱宋穉類鈔載眉州朱師古得異疾趨郡謁史載之宋時眉州屬成都府是載之為成都人也書錄解題載指南方二卷蜀人史堪載之撰卷數雖同書名則異不知即此書否然稱為蜀人與宋穉類鈔合其非二人可知

是載之名堪也而阮文達提要謂字里未詳益誤認載之為名矣北窗灸輟錄載載之療蔡元長疾元長熙寧三年進士靖康中貶死是載之為神宗後人也其大畧可見者如此案載之療元長大腸秘因市紫苑以進須臾遂通此書大府祕門正有用紫苑一方而師古異疾載之名為食掛謂出素問製藥服之三日頓愈宋穉類鈔不言所用何藥此書亦無食掛方論蓋載之所著當不止此或在解題所稱指南方中而此書之非即指南又可想見也書中炁戍驚徵等

字皆減筆而完丸等不避欽宗嫌名蓋刻於靖康以前復翁定為北宋精槧不誣也

傷寒治驗九十論一卷

舊鈔本

宋許叔微撰每證各系以論凡九十篇原書名傷寒論郡人劉大生校錄增治驗字大生不知何時人

張仲景註解傷寒百證歌五卷附傷寒發微論二卷

元刊本

題許叔微述叔微字知可真州人紹興二年進士是書乃述張仲景之意而申言之刻者遂誤加張仲景註解五字於書名以致難通知可有類證普濟本事

方著錄 四庫而此二書不載朱國楨湧幢小品記

知可所作諸書中有擬傷寒歌三卷凡百篇當即是

書惟誤五卷為三卷又有翼傷寒論二卷疑即發微

論見敏求記惜原序殘闕不知何人校刻

卷首有張君服私印

朱記

幼幼新書四十卷

明刊本

此書見陳氏書錄題直龍圖閣知潭州劉昉方明撰集刊未畢而卒徐疇壽卿以漕攝郡趨成之舊有紹興二十年門人左迪功郎潭州湘潭縣尉主管學事

李庚序及左迪功郎新差江陵府司戶參軍石才孺
後序案李序謂劉公患小兒疾苦世無良醫悉取古
方及已試祕方命王歷義道王湜子是編其書石序
謂總四十卷既成三十八卷而疾不起四明樓公繼
其政亟訖其事併後二卷為一卷復纂歷代所述求
方方論為一卷冠諸首與直齋所紀差異是本為明
萬曆間吳郡陳履端編訂履端業醫嘗於雲間顧研
山所講得宋刻本闕三卷復於歙程太綱家鈔得畧
加刪節刻之有履端自序及王世貞劉鳳張應文序

王問卿余然後序

洪氏集驗方五卷

宋刊本

不題名後有跋云古集驗方五卷皆余平生用之有
著驗或雖未及用而傳聞之審者刻之姑孰與衆共
之乾道庚寅十二月十日番陽洪遵書每半葉九行
行十六字九字避諱俱作圓後有鮮于樞題詩云賢
人留意濟斯民學仕之餘未捨勤猶訪醫方治疾病
豈因富貴墮心身迺知後世家風遠想見當年德業
新愧我長貧仍懶惰不能望見屬車塵其書以淳熙

七八兩年官冊紙背所印中鈐官印惜不可識後有

黃堯圃顧澗賞跋

卷首有玉蘭堂竹塢
季振宜滄葦諸朱記

醫經正本書一卷

舊鈔本

宋程迥撰并序又陳言跋此書見書錄解題凡十四篇專辨傷寒疫疾並無傳染以救薄俗骨肉相棄絕之弊并及唐宋醫政與夫權量脈診湯液方論贊其是而紕其否謂之政本者以本正則邪說不能搖也

傷寒補亡論一卷

舊鈔本

題河南郭雍撰案雍字子和隱居峽州號白雲先生

乾道中徵召不起賜號冲晦處士是編述諸家論仲景傷寒治法以補舊論所未及故曰補亡各家書目俱未載

衛生家寶產科備要八卷

宋刊本

宋朱端章編是書集諸家產科經驗方成帙首列入月產圖中有借地禁草禁水逐月安產法書錄解題所載產寶諸方一卷以十二月產圖冠之疑即此書也卷第四李師聖編論郭稽中附方疑即真齋書錄所載產育保慶集一卷也卷第六許學士產科方當

謂紹興中許叔微其餘雜采諸家方論甚備諸家書目俱不載惟見錢氏敏求記目錄後有翰林醫學差充南康軍駐泊張永校勘一行卷末有自記三行云長樂朱端章以所藏諸家產科經驗方編成八卷刻版南康郡齋淳熙甲辰歲十二月初十日云云每半葉九行行十五字書中遇轉懸字俱減筆九皆作圓敏求記所謂楮墨精好可愛者今又歷二百餘載依

然如故可寶也

卷中有孟洪西澗草堂孫氏禹九家藏諸朱記

新編近時十便良方十卷

宋刊殘本

不著撰人前有慶元乙卯汾陽博濟堂序畧謂紹興辛亥東南漕使孫公稽仲有所集方書一卷目曰大衍惜其太畧於是編搜方論摘其簡而至切迅而不暴與時運相宜者以附益公之不足所謂十便者藥材止六十四種易於儲蓄一便也世所常用無難致之物二便也各市少許置藥籠中不妨行李帶挈三便也古今方論安能一一討尋今惟取必效之方不勞徧閱四便也凡有病即有方有方即有藥不致倉皇失措五便也治疾如救焚此書用藥簡當而和劑

不勞六便也或宦遊僻縣地少醫藥緩急有以支梧
七便也行旅野宿猝有不虞之證不致生困八便也
深山窮谷去城市遠即得應用九便也仁人君子於
困窮疾病欲探囊施與無方藥不備之歎十便也原
書四十卷今存卷十一至十七卷二十一至二十二
凡十卷卷首有古今方論總目所引古今凡六十六
種末有墨圖記云萬卷堂作十三行大字刊行庶便
檢用請詳鑿十八字又有總類一卷標用藥治疾之
目目錄一卷標藥名方名之目每半葉十三行行廿

二字

醫說十卷

明刊本

宋張杲集山陰諸葛興序時嘉靖間南衡童某刻於

晉有東黃張子立序印臺傅某復刻於秦有西京許

宗魯序案此書首以歷代名醫次以醫書本草診法

及神醫神方周身諸病皆引類垂法指實著效醫學

之指南也舊為汪秀峰藏本

卷首有開萬樓藏書朱記

鍼灸資生經七卷

元刊本

不著撰人案嘉定庚辰徐正卿序謂東嘉王叔權作

則亦宋時人也目錄前有廣勤書堂刊一行其第一卷專論人身諸穴第二卷以下列鍼灸諸法其銅人

圖式非獨正背兼具側形考唐志有黃帝十二經偃

側人圖十二卷此或其遺法歟

卷首有范文安藏書張履和印二朱記

傷寒要旨方一卷

舊鈔本

題當塗李樾與幾編輯此書見陳氏書錄謂列方於前而類證於後皆不外仲景原書為二卷名傷寒要旨無方字此為明沈子祿承之氏重訂前有補類數

條及附方皆其所增沈亦一良醫也

前後有子祿沈承之家藏書沈

鶴泉諸朱記

新雕圖解素問要旨論八卷

影鈔元本

題劉守真撰馬宗素重編有自序宗素序序後有刊書人題記云今求到河間劉守真先生親傳的本仍請明醫之士精加校定云云宗素洪洞人亦習醫術守真弟子也

劉河間傷寒直格三卷後集一卷續集一卷別集一卷

元刊本

題金劉完素撰臨川葛雍輯其論傷寒一門為此書

附以劉決傷寒心要為後集馬宗素傷寒醫鑒為續
集張子和心鏡第三卷為別集是本與錢遵王讀書
敏求記所載合卷首有無名氏序序後有墨圖記一
行云臨川葛雍校正建安虞氏刊行而目錄前又有
圖記五行云傷寒方論自沙長沙張仲景之後惟前
金河間劉守真深究厥旨著為傷寒直格一書誠有
益於世今求到江北善本迺臨川葛仲穆編校敬刻
梓行嘉興天下衛生君子共之歲次癸丑仲冬妃仙
陳氏書堂刊據此則是本當從建安本出而歲次癸

丑乃元仁宗皇慶二年也

卷首有錢氏仲寶朱記

病機氣宜保命集三卷

明刊本

題劉守真撰李時珍辨為金張元素之書見本草綱
目序例中凡分三十二門論議精要次及處方用藥
之法金末楊威初刊行之此明初宣藩刻本原序已
闕

此事難知二卷

元刊本

不著撰人名氏前有至大元年王好古序知述其師
李東垣緒論也今東垣十書中亦列入是編其實出

好古裒輯非東垣自撰也

鍼灸四書八卷

舊鈔本

元竇桂芳編并序案桂芳字靜齋建寧人漢卿之子父子皆隱於醫四書者一為金閩明廣子午流注鍼經三卷首冠以何若愚流注指微鍼賦而為之注有閩明廣序一為宋竇傑鍼經指南一卷有朱良能序傑亦字漢卿與桂芳父同字合肥人仕至大師時有兩竇漢卿皆以醫學顯者桂芳得其書合刻之并附以家藏黃帝明堂灸經三卷有無名氏序宋莊綽灸

膏肓腧穴法一卷有自序合而編之目為鍼灸四書序目後有墨圖記二行曰至大辛亥春月燕山活濟堂刊活濟竇氏藥室名游達齋親書以贈見桂芳自序是本從元刊影寫嚮藏愛日精廬張氏

衛生寶鑑二十四卷補遺一卷

明刊本

元羅天益撰案天益字謙甫藁城人學醫於東垣李氏源流於易水張氏以兩家之言集錄銓次而成書卷一至三曰藥誤永鑑者知前車之覆戒後人勿蹈之也卷四至二十曰名方類集者古今之方擇之已

精備錄之使後人有所據依也卷二十一日藥類法
象者氣味厚薄各有所用證治增損欲後人信之也
日醫驗紀述者藥準夫病效始隨之欲後人慎之也
補遺一卷多述仲景治內傷外感經驗方并中暑方
迺刊時補入非謙甫作也有鄭城硯堅題首天益上
東垣啟及王惲胡廣楊榮金幼孜蔣用文等序又無
名氏補遺序韓夷刊板跋是書見文淵閣書目焦氏
經籍志

本草元命苞九卷

舊鈔本

元尚從善撰并序案從善字仲良自署銜名為御診
太醫宣受成全郎上都惠民司提點元時設立醫官
考試出題以素難為經疑仲景為治法本草為藥性
仲良以唐慎微所著全書藥品有一千八十二種之
多學者不能遍識迺摭其切於用者四百六十八品
論說簡要編成九卷刻於至順中前有至元三年平
江路常熟州知州班惟志敘又馮子振序諸家書目
皆不載惟見錢遵王敏求記是本明人所鈔僅存殘
帙士禮居黃氏以周香巖藏本補足

卷首有周子
祿氏朱記

瑞竹堂經驗方十五卷

明刊本

元薩里彌實撰全書分十五門卷一諸風門卷二心氣痛門卷三小兒疝氣門卷四積滯門卷五痰飲門卷六鳴嗽門卷七羨補門卷八瀉痢門卷九頭面口眼耳鼻門卷十髮齒門卷十一咽喉門十二雜治門卷十三瘡腫門卷十四婦人門卷十五小兒門與明文淵閣書目所載合別本有作五卷者文作殘闕分類亦不合此其原書足本也前有王都中吳澂序後有跋云鄭方伯志道刻於蜀中末葉已闕失其名

秦定養生主論十六卷

明刊本

題元洞虛子正中陽撰并序案中陽名珪字均章自號中陽老人吳人中歲棄官隱於虞山下此書取莊子字秦定者發乎天元及養生主之義故首曰原心次論婚合孕育嬰幼童壯衰老宣攝避忌次論運氣標本陰陽脈病證治然後類方對證以備採用終以古今明訓二道日省一篇以為攝生要法至元中有刻本有段天祐徐繁序楊易跋正德間兵部郎中冒鸞重刊有跋

世醫得效方二十卷

元刊本

元危亦林撰以先世相傳經驗之方分十三科錄之後附孫真人養生法一卷有自序及王充耘序至正五年建寧路官醫提領陳志刊有序又有大醫院題識云南豐危亦林世醫得效方編次有法科目無遺江西提舉司校正之牒上於院下諸路提舉司重校之復白於院院之長貳僚屬皆曰善付其屬俾繡梓焉云云後列太醫院官二十三人銜名椽史一人其檢校詳慎可知

新編西方子明堂灸經八卷

元刊本

不題撰人姓名西方子亦無考目錄前有熊氏衛生堂重刊一行卷一列正人頭面圖胃膈圖腹肚圖卷二卷三正人手圖足圖卷四伏人頭圖卷五卷六伏人手圖足圖卷七側人頭頸圖脇圖手圖卷八足圖各詳其穴處論可灸不可灸較銅人鍼灸經為備四庫著錄為山西平陽府本與銅人鍼灸經合刻是本乃元槧之精好者出曝書亭舊藏

卷首有彝尊曝書亭藏書二朱

記

鐵琴銅劍樓藏書目錄卷十四終

